

Xurree Milkaaâ€™innaa fi Gammachuu-lakk.8

Description

Madaan kee kan darbanii fi yaadonni negaativi ammaa gara olii ol guddachuu irraa duubatti si hin harkisin. Mataa kee ol qabadhu, baatiri/ibsaa milkaaâ€™innaa fuundura keetti ilaali. Fundura kee dukkana goote hin ilaalin. Gargaarsaf Rabbiin kadhu. Dhugumatti Inni Tumsaa /Gargaaraa hundarra caaludha.

Saâ€™aati lamaa ol boqonnaa malee kompiyutara fi telefoona irra turuun sammuu, ijaa fi qaama miidha. Yoo akkas goote hirriba dhabda, sammun kee tartiiba dhabuu dandaâ€™a, ijji si dhukkubdi. Sammuun kee sirnaan hin hojjatu. Barata guyyaa guutu kopiyutara irra oole ergasi duâ€™ee kitaaba tokkorraa dubbisuun koo nan yaadadha. Kanaafu yommuu teknoloji fayyadamtu of eggannoo godhi. Akka qornannoo yeroo dhiyoo agarsiisanitti Tv sammuu namaa irratti miidha guddaa geessa. Dandeetti qaaccessu fi gadi fageessanii yaadu qancarsa.

Milkaaâ€™inna gabaaba warroota kafaranii ilaalun, amantii kee hin shakkiin, duubatti irraa hin deebiâ€™in. Kuni isaanif qormaata. Milkaaâ€™inni isaan galmaan gahan guutun addunya tana irratti bade hafa. Gonkumaa Aakhiratti gatii wayitu hin qabu. Yoo barbaadde Suura Al_Aâ€™raf 7:147, Suuraa At-Towbaa 9:55, sura Al-kahf 18:103-106 ilaali. â€œNamoonni milkaaâ€™inna gabaaba isaani dinqisifatan akka nama gaala biqiltu summoofta nyaatte yommuu garaan ishii bokokuu fayyaa fakkattu dinqisifatuuti duuti ishii dhiyoo taâ€™uu osoo hin beekin. â€•Kanaafu hanga fedhan milkaaâ€™inna fedhan osoo nutti agarsiisanii qormaata malee wanta biraa taâ€™uu hin dandaâ€™u.

Mallatoon gadi-aantummaa qabeenya ykn sadarkaa dhabuu osoo hin taâ€™in Imaana dhabuudha. Kasaara akkami imaana dhabuun!

Ulaagaalen nama jallatamaa taâ€™uu dhugaan amanuu, hojiwwan gaggaarii iklaasanii fi Sunnaa Ergama Rabbii (SAW) waliin deeman dalaguu fi hojiwwan badaa irraa fagaachudha.

Abshiir! Dhiyootti duumessi dhiphinna fi rakkinnaa sirraa kaâ€™uun ifa tola fi tasgabbiitin bakka buâ€™a. Hangasi obsii, qormaata kanarraa barnoota fudhu, gara Rabbii deebiâ€™i. Rakkoo fi toltii qormaata malee wanta biraa taâ€™uu hin dandaâ€™an. Yeroo rakkoo yoo obsite, yeroo laafinna yoo Rabbii galata galchite qormaata dabarte jedhamta. Garuu taâ€™u baannan qormaata lamaanu kufudha.

Nama gowwaa jechuun nama dogongora ofii amane irraa baratuu osoo hin taâ€™in nama dogongoraa ofii irra turuu fi fallaa isaa mooâ€™achuf akka waan sirri taâ€™etti mirkaneessuf nama carraaqudha. Kanaafu yommuu dogongortu dogongora kee amanii irraa baradhu. â€˜Dogongorri kiyayaa mitiâ€™ jechuun mormii gogaa hin mormiin.

Namoota gammachisuu fi akka isaani taâ€™uuf yoo carraaqxu, buâ€™maan ati argattu dhiphinnaa fi dheekkamsa. Wanta sirrii taâ€™mee fi Rabbiin gammachisuu hojjadhu. Ergasii namoota gammachiisa jette wanta hin taane irratti hidha of hin kutin, yeroo kee hin gubin. Jireenya mataa keeti jiraadhu. Jireenya riyaa (na argaa, na beekaa) hin jiraatin.

Hubadhu! Milkaaâ€™inni fi gammachuun kee sadarkaa ati Rabbii fi ergasi warra keeti ajajamtu irratti hundaaâ€™ma. Yoo Rabbii sirritti kan ajajamtuu fi warra keeti tola ooltuf taate akkasuma milkaaâ€™inni fi gammachuun kee guddaadha. Daangaa Rabbii kan darbituu fi haadha abbaa keeti kan hin ajajamne fi hin kabajne yoo taate immoo akkasuma gammachuu fi milkaaâ€™inna dhabda. Seenaa Nabiyyoota fi namoota gurguddoo dubbisi. Isaan Rabbiif ajajamoo fi warra ofiiti tola ooltota turan.

Saâ€™aati kudhaniif xiyyeeffanno malee hojjachuu irra saâ€™aati tokkoof yaada guutu fi jeequmsa tokko malee hojjachuu/qoâ€™achutu caala. Kuni kaayyoofis dhugaadha. Nama kaayyoo ifaa fi murtaaâ€™ma hin qabnee fi waggoota baayâ€™eef dalagu caalaa namni kaayyoo ifaa fi murtaaâ€™ma qabuu waggaa muraasa keessatti wanta baayâ€™mee galmaan gaha. Kanaafu, yommuu hojii tokko hojjattu hanga fixxu xiyyeeffannoon hojjadhu, wantoota si jeeqan ofirraa fageessi. Kayyoo tokkos galmaan gahuuf yoo kaatu hanga isa galmaan geettu wanta biraatti hin darbiin, hin haafaâ€™in, kan qooxi gubbaa buusatti kan bobaa dhabdaati.

Hijaabni qaama qofaa miti sammuu fi qalbiis faaya. Yommuu dubartiin qaama fi sammuu ofii wanta badaa irraa haguugdu, nama gamnaa(aaqila) taati. Sababni isaas badii fi cubbuun qaama fi sammuu namaa hadoochu. Kanaafu yommuu hijaaba uffattu hin qaanaâ€™in. Warroota sitti qoosanis jalaa hin dhagahin.

Akkuma intala qulqullu fuudhu barbaaddu, ati mataan kee jalqabni dhiira qulqulluu taâ€™mii argami. Akkuma argite dubartii waliin hin taâ€™in, obsi.

Amala badaa tokko jijjiruuf, jiâ€™oota baayâ€™ee ykn waggoota sirraa fudhatu dandaâ€™ma. Amala badaan kun kan jijjiramu yoo ati jijjiruuf carraaqxe qofaadha. Taâ€™muu baannan si waliin yeroo hundaa jiraata. Fakkeenyaaf, dubbii baayâ€™isu dhiisu fi namoota ija shakkiitin ilaalu irraa of qusachuuf maloota garagaraa fayyadamaa tureera. Tokko kitaaba dubbisuu. Lama jechoota âœBAAYâ€™ISTE HIN ODEESSIN, SHAKKII FÄ° MORMII HANBISI, ARRABA KEE SEERAN QABADHUâ€™• jedhan desktoopi kompitaraa fi pirofaayili fesbuuki gochuun of yaadachisa. Atillee akkana gochuun, amala kee jijjiruu dandeessa.

Dhugumatti shirkiin (Rabbitti waa qindeessun) yakka hundarra hamaadha. Uumama namaa sirrii taâ€™mee ajjeesa. Qalbiin ni duuti(gogdi), ijji ni jaamti (waan gaarii ilaalte hubachuu hin barbaaddu), gurrii ni duuda (waan gaarii hin dhageefatu), wantuma badatti fiigu. Namni shirkii raawwatu ni dhamaâ€™ma, gara deemmu hin beeku. Ardii irratti haqa malee nama cunqursa, rahmata hin qabu. Sababni isaas qalbiin isaa duute (gogde). Gadii fageesse yaadun Aayatoota (Mallatoole, keeyyatoota, muâ€™ijizaa, ragaa, barnoota fi kkf tti) hin amanu. Mallatoolee baayâ€™een isa funduratti ifa taâ€™anii osoo jiranuu Rabbiin gana (itti kafara), Guyyaa Qiyaama dida. Sababni isaas hanqinna mallattoole fi ragaa osoo hin taâ€™in uumamni fi sammuu isaani hojiin ala taâ€™mee jira, dandeettin xinxalluu fi

amanuu duâ€™ee jira. Qalbiin isaani xinxallite akka hin amanne haguugin irra godhame jira. Sababni isaas, karaa Rabbii qajeela dhiisanii karaa sheyxaana jallataa hordofan, karaa qajeela dhiisanii karaa jallinnaa fi baditti fiigu. Sababa kanaan qalbiin isaani amanuu irraa oggoramte. Goginsaa fi duâ€™iinsa qalbii irraa Rabbiin akka si tiiksu itti warwaadhu. Cubbuu irraa dheessi; qalbii ajjeesati. Rabbiin kanarraa nu haa tiiksu. Amiin

Yommuu hojii gaarii hojjattu, â€™Hojii gaarii akkanaa hojjadhe, isaaf tola oolef..â€™• jechuun namatti hin odeessin hojii gaariin tee Rabbiin biratti fudhatama dhabuu dandeetti. Hojii gaarii tee nama kakaasuf yoo taâ€™mee himi. Taâ€™muu baannan calâ€™isi santu caalati. â€™Akkuma dalagaa badaa kee dhoksitu hojii gaarii keetis dhoksi.â€™•

Wantoota araada nama qabsiisanitti dhiyaachun jireenya kee hin dukkaneessin. Sigaaraa, caati, tamboo, qumaari, hashishii, alkooli fi kkf nitti dhiyaachun namummaa fi gammachuu kee hin balleessin. Namni yommuu araadota kanniin qabamu namooma, gammachuu, milkaaâ€™inna fi abdii dhaba. Sammuun isaa ni dugulti, ni hadooddi. Jireenya dukkanaa fi abdii hin qabne gaggeessa. Qabeenya isaa bakka hin taanetti qisaasessun ofii fi maati isaa baditti darba. Aklaaqa fi namuusni isaa ni xuraaâ€™ma. Kabajaa fi jaalala dhaba. Rabbirraa fagaachuun sheyxaana fi fedhii qullaa ofiitif garba taâ€™ma. Haala kanaan galaana gaddaa, hurrii, dukkanaa fi nuffii keessa daaka. Kanaafu araadota kanniiniti dhiyaachun sammuu kee hin dugulchin, fayyaa fi maatii kee balaa irra hin buusun. Hiriyyoota araadota kanniin qabaman irraa fagaadhu. Taâ€™muu baannan guyyaa tokko isaan waliin taatati.

Tasgabbiin (sakinan), gammachuu fi milkaaâ€™inni qabsoo, rakkoo fi obsa booda dhufu. Harâ€™a rakkoo fi dukkana keessatti kufuu dandeessa. Achii keessa teette abdii kutuu osoo hin taâ€™in, obsaan carraaqi, qabsaaâ€™i. Rakkoo booda tolli ni dhufti. Osoo rakkoo fi qormaanni jiraachu baatani silaa milkaaâ€™inni hin jiru ture. Kanaafu milkaaâ€™inna rakkoo fi qormaata malee hin eegin. Milkaaâ€™inni fi gammachuun rakkoo fi qormaata booda argaman ni miâ€™aayu, turtii horatu. Milkaaâ€™inni fi gammachuun salphatti argaman immoo yoosu badu, turtii fi miâ€™aa hin qaban.

â€™Yommuu ilmi namaa Rabbii qofaa bitamu, harqoota gabrummaa fedhii isaani, sheyxaana fi namoota biroo jalaa bahan.â€™• Namni yommuu Rabbiin alaa wanta biraati gabra taâ€™muu harqoota gabrummaa bilisummaa hin qabne jalatti kufa. Sheyxaanni, fedhiin isaati fi namoonni gabra godhatu. Rabbii qofaa bitamuun bilisummaa dhugaa argachuudha. Namni yommuu Rabbiin qofa gabbaruu gadi fageesse yaada, dhugaa fi sobaa addaan baafata, wanti hunduu isa funduratti ifa taâ€™ma. Sheyxaanni fi gargaartonna isaa ilmi namaa Rabbii qofa gabra taâ€™manii bilisummaa isaani akka hin goonfanne halkanii guyyaa carraaqu. Sheyxaani keessa alaa daandii haqaa irraa nama jallisuuf murate kaâ€™me. Takka si jallisuuf shakkii sitti darbaa, takkaa wanta fokkuu sitti miidhagsa. Takkaa salaata irraa duubatti si harkiisa. Carraaqin kuni hundi si jallisuun gabra isaaf akka taatu fi gammachuu akka dhabduufi. Kanaafu sheyxaanota namaati fi jinni itti qabsaaâ€™i. Daandii qajeela irraa si dabsuun akka si hin hongeessine. Tolee hin jedhin.

Addunyaa tana waliin qaruuxe taâ€™mii. Ishiidhan hin sobamiin. Faayni fi bilicliciin ishii ijaa fi qalbii tee Aakiraa irraa hin haguugin. Gaaâ€™umsa kee dhumaa gahuuf itti fayyadamii malee ishiin hin sobamiin. Qormaatan ala duniyaan tuni maal taâ€™muu dandeessi? Iddoo nama kamtu gaarii akka dalaguu fi badaa raawwatu addaan itti bahuudha.

Dogongora kee kan darbee fi hanqinna ammaa kee irratti xiyyeefachun guddachuu irraa gara duubaatti of hin harkisin. Dogongora darbee irraa baradhu bira darbii, hanqinna ammaa kee immoo sirreessuf carraaqi. Jireenya nuffisisa fi gaddaa hin jiraatin. Hojii gaggaarin of koâ€™oomsi. Cimanii hojjachuun karaa milkaaâ€™inna fi gammachuuti. Hojii malee taaâ€™un immoo madda dhiphinna, gaddaa, rakkoo, addumme, abdii kutuu, nuffii, aarii fi kkf ni dha. Kanaafu cimte hojjachuun jireenya kee jijjiri,

Yeroo kanniin lamaanitti sheyxaanni sammuu dargaggoo garmalee rukuta. Jalqaba waaâ€™mee **haqa Islaama ilaalchise shakkii qalbii isaani irratti darba.** Yommuu sheyxaanni shakkii kana sitti darbu ofirraa ittisuun sitti ulfaachu dandaâ€™a laata. Si dhamaasu fi amantii kee gurraachessu dandaâ€™a. Imaana kee ni hurgufa. Yeroo kanatti sheyxaanaf harka kennu osoo hin taâ€™in waraanan ofirraa ariâ€™uudha. Waraanni sunis Rabbitti isa mangafachu, Rabbiin isarraa akka nama tiiksu itti warwaachudha. Kanaafu yeroo kanatti isa ofirraa ariâ€™uuf irra deddeebiâ€™i â€• Aâ€™uzu billahi mina sheyxaani rajimâ€™ jedhi yookiin aayat kana(23:97-98) dubbisi. Obsii hanga dukkanni fi dhamaâ€™insi kuni sirraa adeemu. Dhugumatti Islaamni akka aduutti ifa. Garuu sheyxaanni shakkii sitti naquun si dhamaasun gara baditti si harkisu barbaada. Keessumayyu waaâ€™mee jireenya booda(aakhira) ilaalchise shakkii hamaa sitti naquu dandaâ€™a. Kanaafu shakkiif gonkumaa bakka hin kenniin. Qurâ€™aana hubannaan dubbisi. Dhugumatti Qurâ€™aanni qalbii dhibamteef qoricha, muâ€™imintootaf rahmataa fi qajeelcha.

Karaan lammataa sheyxaanni itti nama qoru immoo **fedhii namaa kakaasun gara haraama nama affeerudha.** Namtichi qormaata jalqabaa yoo kufe salaata isa gachisisuun fedhii akka hordofu isa taasisa. Dhugumatti ibiddi fedhii Rabbiin sodaachu fi aakiratti amanuun ni qabbanaaâ€™a.

Kanaafu yommuu sheyxaannni yeroo lamaan kana keessatti si qoru, Rabbirratti hirkachuun, Salaata sirnaan salaatan, duâ€™aayi fi zikrii baayâ€™isun, obsa qabaachun, beekumsa barbaadun, cubbuu fi mormii hin fayyanne irraa fagaachun, gaafi baayâ€™isani gaafachu dhiisun, injifachuu dandeessa.

Date Created

September 21, 2016

Author

admin